



Inatsisartuni ilaasortaq  
Nikolaj Jeremiassen  
Siumut  
/Maani

## **Iridium-inut sullissineq pillugu § 37 naapertorlugu apeqqut nr. 295-mut akissut**

Brevdato: 30-12-2015  
Sags nr.2015 - 17289  
Dok. nr. 6894274

Aallarniutigalugu apeqqutitit pillugit qutsavigaakkit, taakkulu matuma kinguliani akissuteqarfigaakka. Akissuteqarnissannut tapertassannik TELE-POST-imut aamma Nalunaarasuartaateqarnermut Aqutsisoqarfimmu pissarsiniarpunga.

Inatsisartut suleriaasianni § 37 naapertorlugu Iridium pillugu arlalinnik Naalakkersuisunut apeqquteqarputit. Apeqqutit uannut akisassanngorlugit innersuunneqarput.

Postboks 909  
3900 Nuuk

Tlf.: (+299) 34 50 00

Fax: (+299) 32 52 86

E-mail: isan@nanoq.gl

www.naalakkersuisut.gl

### **1. Iridiumimut akiliutaasartuq marloriaat sinnerlugu qaffatsinneqarnera Naalakkersuisunit pissusissamisoorutut isiginneqarpa?**

Nalunaarasuartaateqarnermi attaveqaqatigiinnermut akit tamarmiusut apparnissaat Naalakkersuisut sulissutigaa, qujanartumillu ataatsimut isigalugu nalunaarasuartaateqarnermi sullissinernut akit apparsimapput.

Iridiumimut qaammataasakkut sullissinerit Namminersorlutik Oqartussat Kalaallit Nunaanni attaveqaqatigiinnermi sullissinernik neqerooruteqartarnerannut kisermaassiviusunut ilaavoq, aammalu TELE-POST Iridium-inik oqarasuaateqarnermik neqerooruteqarnissamut akuersissummik pigisaqarpoq. Kisiannili Naalakkersuisut aamma TELE-POST sullissinermut aningaasartuutitut annertunerusumik sunniuteqarsinnaanngillat, amerikamiut ingerlatseqatigiiffiat Iridium sullissinernik neqerooruteqartartuummat aammalu sullissinermut akiinik aalajangersaasartuulluni. TELE-POST-ip akit Iridium-ip akigititaanut dollarillu nalingata allanngorarneranut iluarsisapai. TELE-POST-imit ilisimatitsissutigineqarpoq, Iridium-imut qaammataasakkut sullissinerit 2015-imi maajimi qaffassimasut, tamatumunngalu Iridium-ip 2013-imili akigititamik qaffaangaatsiarnerat peqqutaasoq. Tamatuma saniatigut piffissami tassani dollarip nalinga 30 %-it missaannik qaffassimavoq. 16. december 2015-imi TELE-POST Iridium-imut tunngaviusumik atuisuunermik, TELE-POST-imit atorneqartup assinganik nunani allani neqerooruteqartartut akigititaannut assersuussivoq. Akit qaammammut US\$ 44-48-inik annertussuseqartut tassani takutinneqarput. Maanna dollarip nalinga (15/12 2015: 1 USD=6,79 DKK) malillugu 299-325 koruuniuvoq. Taamaattumik TELE-POST-imi atuisuunermut akiusoq qaammammut 300 koruuniusoq akikinnernut ilaavoq.

### **2. Iridium-imik akitsuineq aalisarnermik piniarnermillu inuussutissarsiuteqartunut sunngiffimmilu pinialuttartunut qanoq sunniuteqassangatinneqarpa?**

Imaani ajunaalernermi isumannaallisaanermilu sullissinerit danskit oqartussaaffigaat. Kisiannili VHF-imik atuiffiusinnaasut annertusineqarnissaat, kiisalu imaani isumannaallisaanerup siuarsarneqarnissaa Naalakkersuisunit kissaatigineqarpoq, tamannalu pissutigalugu danskit oqartussaasui Naalakkersuisunit tamanna pillugu ingerlaavartumik attaveqarfigineqartarput.

Angallammi VHF-imik radioqaraanni, amerlanertigut Aasiaat Radiuat attaveqarfigineqarsinnaavoq, kisiannili aamma sumiiffiit ilaanniit ajoraluartumik attaveqartoqarsinnaanngilaq. Sumiiffinni attaveqanngitsuni ajunaalernermit kalerrisaarinerit angallatinit qanitaaniittunit tusaaneqarsinnaanerat ilimanaateqartarpoq. Tamanna pissutigalugu umiatsiat angallatillu, VHF-radiunik nassartut namminneerlutik ikiortissarsiorsinnaanissaat aammalu ajunaalersunik allanik ikiuisinnaanissaat inassutigineqartarpoq.

Qaammataasakkut oqarasuaatit attaveqaatit pitsaasuupput, kisiannili taakku atorlugit kalerriivissamut sianernissaq pisariaqarpoq. Qaammataasakkut oqarasuaatit atornerini sumiiffinni VHF-radiu imaluunniit GSM-mobiltelefoni nalinginnaasoq atorlugit attaveqarfiusinnaanngitsuni attaveqarnissaq qulakkeerneqartarpoq. Innuttaasut inuussutissarsiornermillu ingerlataqartut pinngortitami angalanerminni ajunaalernermit kalerrisaarutit qaammataasakkoortunik VHF-imut tapertaralugu nassartarnissaat Naalackersuisunit inassutigineqarpoq.

Iridium-imik atuisut amerlassusaasa ineriartornerat Naalackersuisut malinnaaffiginiarpaat, kisiannili innuttaasut inuussutissarsiornermillu ingerlataqartut akit, Naalackersuisunit imaluunniit TELE-POST-imit sunniuteqarfigineqarsinnaanngitsut qaffakkiartoraluartut atuisuunerminnik ingerlatsiinnarnissaat naatsorsuutigaat, attaveqaatit pingaaruteqarmata tutsuiginartuullutillu.

Inussiarnersumik inuulluaqqusillunga

Knud Kristiansen